

مکتبہ اسلامیہ

ادبی و سیاسی رسالہ اسبوعیہ در

۳۱ نجی سنہ



۲۸ رمضان ۱۳۲۹

پنجشنبہ

جزو عدد : ۱۱۴

اسویچره دن مکتوب

لوزان ، ۳ ایلول ۱۹۱۱

.....

سنز نیچون سکوت ایستدیگیز ؟ ..

علمدار مصطفی باشانک بقایای عظامی - اوج درت قلب نجیب مثنی - لاقید
برازدحامک مواجهه استخفافنده مدفن قدیمندن مقبر نویزنه نقل اولشمش . بونی
کورمامک سعادتنه ، کاشکی ایشیتامک نعمتی ده منضم اولسهیدی ! ..

فقط سنز نیچون سکوت ایستدیگیز بیلم ؟ .. اوگون نسیانکار و بی وفا
" یزانس " ک هرکوشه سندن عمومی برقیامت قبیح بوکسلی و بوغلغله سرزنشک
نورلغنی (Ténor) ابوالضیانک و وایلائی انفعالی ایفا ایتلی ایدی ! ..

اسویچره نک بوپیغوله صامتته گومولن بن بیله ، سنهلردن بری اونوتغه
وانوندلغه قرار ویرمش بر آدم ایکن ، اودی حیات کیمکیره روا گوریلان حقارتدن
متأثر اولدم . امین اولگیزکه بویکهنجی استقالک طرز حرمتشکنی انزوامک حریم
سکوتنده حیاتله همدوام بر طراقة تلطف یاشاده جقدر .

علمدار مصطفی پاشا یالگیز بوخلقک و یالگیز بویرک دکل ، اسکی یگی ، شاکر
وکافر هر قومک و هر وطنک اک بیوک واک فداکار قهرمانیدر . قرطجهلی آنیال
بیله بوروسجقلی اردن ده نجیب بر ناصیه جلادت کوسترمز . یگچریلری بر هوا
ایتمک فعلنده (رومانی راحت براقق) قولدن دها مردانه برعزم و متانت واردر .
دنیا ده هیچ برسیف مسلول کوستریله مزکه علمدارک یدقصندنه کی قیلچدن زیاده
بر مقصد محقه خدمت ایتش اولسون ! ..

بیلم خاطر یگیزده میدر ؟ .. بو بیوک انفلا بچیدن برگون بکا حرارتله
بحث ایدرکن ،

(اوفنسه عاند هراملدن انتزاه ایله یالکیز بره نسیب و برنس ایچون چالشدی .)
 دیمشدیگیز . کله لرک توافق اشکال و آهنگندن متولد محاسن بر طرفه بر اقلسه بیله ،
 بوسوزده طوغری بر گوزلک و اردر . اوت . او بره نسیب ایچون چالشدی .
 بو آنک الک بیوک بر وثیقه علویتیدر . برنس ، یعنی محمود ثانی ایچون اختیار
 فداکاری ایتمیسه مقاصد شخصیه دن تنزیه ذات ایتمش اولدیغنی اثبات ایدر .
 بونکله برابر او برنس ، میال سقوط بر ایمراطورلغک تاج و تختنی تحکیم ایله کندیسنه
 عالی جنبانه تسلیم ایتمش اولان بو آدمی تولدیر ندره قارشى . ییلنمزکه نیچون ،
 بی حرکت ، مماشاکار . ملایم ، متمایل - آمان اللهم ، فصل افاده ایدیم ! -
 آی و طوغری اولمایان برشی گوروندی ! .

منصور عباسی ابو مسلم خراسانی به ، فاتح سلطان محمد ثانی صدر اعظم محمود
 پاشایه - ده ااشاغلیرده تحریر ایمال ایدم - نه رون والدسه ، عبدالحمید ثانی
 مدحت و سلیمان پاشا لره فصل گوریندیلسه ، محمود ثانی ده علمدار مصطفی پاشا
 حضورنده اق وضع نعمت ناشناسی آلدی .

هرکس بیلیرکه علمدار ایسته سیه بدی نه سلطان محمود پادشاه اولور نه ده
 بودولندن بر یوزنده بر نشان قالدی .

ینه هیچ کیسه انکار ایدمه مزکه سلطان محمود ایسته سیه بدی ، هم علمدار اولمز ،
 هم اون سکیز سنه لک بر زمان قیمتداری لقمه لقمه باع ایدن بر طریق عوارض مشهورنک
 بر حله ده و بر خطوده قطع ایدلمسینه مانع قالمادی .

علمدار ، تهلیکه یه دوشن سلطنتک امدادینه طونه وادیلرندن قوشوب کلشکن
 سلطان محمود پوصویه دوشوریلان علمداره ایکی آدیلق بر مسافه دن مدرس اولق
 ایسته مدی . بو اق حکم خفیه دندرکه اصابتی ادراک ایدمه ییلرله میل عصیان ویرر .
 اساس مشوم و مخرب بی یهودی (هیرش) طرفندن وضع اولان روم ایلی
 تیمور یولنک رایلری آلتیده چکنمکدن مزار علمداری ، تاریخ عثمانی انجمن
 وفاکاری قورناردی . بو همته هر عثمانی مدیون شکر اندر . لیکن بو شکران علمداره
 شهادتدن یوزبو قدر سنه صکره گوستریلان رعایتسز لکی گورمامکه محق بر سبب اوله ماز .

استانبولدن ترشح ایدن روایات موثوقه - که غزته لرك نشر یاتی خلافتیه در - شهید مغفورك نقل عظامنده حاضر بولسان خلقك یوز ده طقسان بشی و بلدك دها زیاده سی بو آدمك کیم اولدیفنی و نه زمان نصل وفات ایتدیکنی بیلدیکنی تأیید ایدیور . بر آشنای قدیم و معزز - که بوگون مجلس مبعوثانغزكده ارکان ناموس و حمیتنددر - یازدیفنی بر مکتوبده دییور که :

« تابوت طوبقو سرائی کچرکن یانمه اصناف قیافتلی بری صوقیلهرق و (وفات) کلمه سنك واوینی (م) تلفظ ایدرك (بومفات ایدن کیمدر ؟) دیدی . »
 « بوسوالدن ایگرندم . و ظن ایتدم که او دقیقهده بو آغز بر ملتك سیمای جنبه ییس بر شیر فیرلادییور . »

گوگل بویله ایسته مزیدی . استانبولك لا اقل بش یوز بیک نفس مدرکی او موکب محتشمده بولونملی و هر ولایتدن ، هر طرفدن کان هیات مبعونه بو تابوتی حرمله سلاملاملی ایدی .

غزته لرك روایتیه نظراً وکلادن یالگاز معارف ناظری عبدالرحمن افندی - اوده تاریخ انجمننده رئیس اولمق حسبله - حاضر بولنمش . حال بوکه گوزلر او تابوتك اطرافنده دها بشقه لرینی مثلاً ، سلطان محمودك - جدلری نامنه رضیه و برمك ایستین - بر قاج حقیقله بالعموم هیئت وکلای . اعیانی ، مبعوثانی مکاتب عالیه و آلیه طلبه سی مجتمع کورمك ایستردی .
 بویله کورمك ایستردی . فقط هیات !

هله محمود شوکت باشایه ترتب ایدن وظیفه هپسندن بیوکید . بویکی حرکت اردوسی قوماندانی او اسکی حرکت اردوسی قوماندانك انقاض لایموتی خضوع و خشوع ایله ، چیزمه لرینك یالگاز پنجه سنه باصهرق ، گوزلری تابوتك ظل سیارینه حرمله معطوف اولدیفنی حالده صوگ خوابکا هنه قدر تشییع و اق عظام رمیمینی آغوش ابدیه بالذات تودیع ایتك شرفندن نیچون نفسی محروم ایتدی ؟
 علمدار مقصدا بلند اولدیفنی قدر شخصاً جسور و وقور بر مرد عظیم الشان ایدی . اسکی ، یکی قهرمانلرمزدن هیچ بر کیمسه کوستریله مزکه تام برگون صباحدن

آقشامه قدر بیگلرجه اشقیانک صولت عقورانه سنه تک باشنه مقاومت و حیاتی
اق قدر بهالی صائمغه احراز موفقیت ایده ییش اولسون .

افعالدن زیاده اقبال ایله یوکسلیش اولان بوی نظیر وطن پرورک روحی عجا
بزی عفو ایده جگمی ؟ « زاما » قهرمانی چیدیونی (نانگور وطن . کیسکرم سنک
اولیه جق !) سوزیله اتمام حیات ایتمش اولمسندن طولایی سوم . قوجه آیدیه غلبه
ایتمش اولان بوروما قوماندانک غیظنه مغلوب اولمی برقیصه اخلاقیه در . فقط بعض
احوالده و مثلاً علمدار مصطفی پاشانک اول و آخر دوچار اولدینی اهوالمه چیدیونه
حق ویرمامک نفس اماره نکلدن کلیور . چونکه انسانک موجودیت فانیه سندن
برقیصه باقیه وارسه — که آدینه غالباً « روح » دیرلر — بویله حقسنر استخفافلردن
رنجیده اولور . شهیدلر اولماسون دیم . فقط شهادتله حقارت ایدلما لیدر . خصوصیه
بویله یوزر سنه فاصله ایله مکرر تدلیملری تاریخک حوصله وسیع سی بیله تحمل ایده من .
علمدارک مزاری آچلدیغی گون . احتمال که روح بقا گزینی « مکافه دنیویه نکل
یوم موعودی کیش اولمی که مزارمک اوستنده برطاق اصوات غیر معناده طولاشیور .
دیش و بلکه صوکه دقیقه لرده کی غیظ و یاسی برقاچ ثانیه اونومشدر .

فقط جسدینک انقاص تارمارینی طیرمالایان قازمه لرک برر دست نوازشکاره
بگزمه مکن پک اوزاق اولدیغی و خصوصیه نابوت نوینک اطرافنده یوکسلیش
متخیر سسلرک ماهیتی آکلایجه . کیم بیلیر ، نه قدر و نه قدر تجدد یاس ایدی !
علمدارک جنازه سی آرقسند بتون برملت — بالذات اولماسه بیله بالواسطه —
یورعلی ایدی . بیلیر سگیز که ناپولیونک جسدی مستحق اولدیغی منقاسندن یارسه
نقل اولنورکن استقباله چیقان برملیون آدمک باشنده اق فضیلتی قرال لوی فلیب
بالذات بولمشدی . حال بوکه ناپولئون ، لوی فلیبک دشمن خاندانی ایدی .

حاصلی عزیزم ، علمدار مصطفی پاشا ایله بوکا مائل اعظم عثمانیانه موعود
مکافه دنیویه نکل یوم حالونی کیسه صورت قطعیده تعیین ایده من . محقق اولان
برشی وارسه اوده علمدارک کیگلری یدی قله دن صوغوق چشمیه نقل ایدلیکی
گون بو دورک ادوار مستقبله حضورنده برکره دها کوچولمش اولسیدر .